

欽定天祿琳琅書目

漢書門			
一	一	二	二
〇	七	四	四
冊	函	號	類

內閣文庫			
二	二	二	漢
九	四	四	書
函	冊	號	類
六	〇	三	
架	冊	號	類

內閣文庫			
番號	漢	2463	
冊數	10(4)		
函號	297	53	



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



欽定天祿琳琅書目卷四

影宋鈔經部

周易輯聞一函六冊

宋趙汝楨撰六卷前汝楨自序


考鏤板書籍始于周顯德間或據柳玘之言以為

唐已有之而刊行大備要自宋始其時監中官刻

與士大夫家塾付梓者校讐鑄鏤講究曰精字內

流傳罔不珍秘及時代既更漸至散佚明之琴川

毛晉藏書富有所貯宋本最多其有世所罕見而



宋
藏諸他氏不能購得者則選善者以佳紙墨影鈔之與刊本無異名曰影宋鈔予是一時好事家皆爭訪效以資鑒賞而末槧之無存者賴以傳之不朽是書汝楙自叙稱先君子于易凡六稿汝楙得于口授者居多因輯所聞于篇云云考宋史汝楙父名善湘濮安懿王五世孫慶元二年舉進士累官至觀文殿學士所著有周易約說或問指要補過諸書汝楙其季子也無攷御題廣大無不備夫惟易道然輯聞傳汴水述學衍先

天觀彼多合聖切于斯體乾影鈔猶識宋遠矣緬常編
乾隆甲午仲冬御筆鈐

寶二曰得家外意曰乾隆宸翰

復齋易說

一函
二冊

宋題肅彥撰六卷前載彥肅行寔後宋俞仲可許
興齋二跋

彥肅字子欽宋孝宗乾道間進士仕至寧海郡節
度推官朱彛尊經義考載朱子語曰子欽易說為
說太精取義太露或傷簡易之趣書後彥肅門人

俞仲可跋云公卒後二十有六年郡太守許公取是書刊焉又許興裔跋云余假守嚴陵屬俞君校勘刊置公之祠堂與志學者共之跋後紀年為嘉定辛巳按辛巳係宋寧宗嘉定十四年仲可興裔俱无可攷當時校刊既成其版入祠堂中或流傳不廣世罕其書幸有影鈔而善本亦可長存矣

童溪易傳

二函
十一冊

宋王宗傳撰三十卷前宗傳自序宋林焯序

此書與前两部字體相似行款亦同當屬一家影

焯

鈔之書故紙墨皆極精良足供寶玩宗傳淳宋史俱無傳按朱彞尊經義考載董真卿曰宗傳字景益臨安人太學上舍又載閩書宗傳寧德人教授韶州彞尊按云林焯亦寧德人淳熙八年與宗傳同舉進士焯序稱與重溪生同方長同學同及辛丑第則宗傳為寧德人無疑鄱陽董氏以為寧安人誤矣爰附錄之以資考證

童

三禮圖

二函
八冊

宋聶崇義集注二十卷前宋竇儼序後宋陳伯廣

跋

崇文總目三禮圖二十卷耳聃崇義於周顯德中參
定郊廟器王因博采先儒三禮舊圖凡得六本考
正是否績素而申釋之每篇自叙其凡叅以近世
沿革之說建隆二年五月丙寅表上之竇儼為序
詔太子詹事尹拙集儒學三五人更同叅議拙多
所駁正崇義復引經以釋之其駁議及答議各四
卷率列於注釋詔頒行之入函于國子監誦堂之
壁考宋史崇義河南洛陽人少舉三禮善禮學道

經旨漢乾祐中累官至國子禮記博士周顯德中
國子司業兼太常博士世宗詔崇義叅定郊廟祭
王又詔翰林學士竇儼統領之崇義因取三禮圖
再加考正建隆三年四月未上之儼為序太祖覽
而嘉之五月賜崇義紫袍犀帶銀器繒帛以獎之
云云與崇文總目所載畧符惟崇文總目稱建隆
二年五月上書死公武郡齋讀書志亦稱皇朝建
隆二年而史載三年正與儼序今別本有崇義自
序略云舊圖十卷形制缺漏文字省畧不知所自

晁 合

臣崇義先於顯德三年冬奉命差定郊廟器玉因
敢刪改至大宋建隆三年四月辛丑第叙既訖則
知崇義書成於建隆二年至三年始行奏進耳宋
史又載詔太子詹事尹拙等奏議多所駁正宗義
復引經以釋之悉以下工部尚書竇儼俾之裁定
議奏崇義研求師說耽味禮經較于舊圖良有新
意尹拙爰承制旨能整所聞尹拙駁議及聶崇義
答議各四卷臣再加詳閱隨而裁置率用增損列
於注釋共分為十五卷以聞詔頒行之亦與崇文

總目所載相合惟列于注釋之語乃竇儀編次兩
家之說別為一書與三禮圖無涉耳書後有永嘉
陳伯廣跋三禮圖始熊君子復得蜀本欲以刻於
學而于至因屬予刻之後題淳熙乙未閏月三日
乙未為宋孝宗淳熙二年浙江通志載伯廣登紹
興三十年庚辰進士通判明州其所稱熊子復按
文獻通考熊克字子復建安人官起居郎以王承
相季海薦驟用王時在樞府趙溫叔當國莫知其
所從來頗疑其由徑沮之上意向之不能回也此

書圖書人物器具用筆工細乃精於繪事者所作
如影鈔時殊費經營矣

論語集說

一函
五冊

宋蔡節撰十卷前載節進書表並集說例宋姜文
龍序

考浙江通志載蔡節永嘉人於宋理宗時歷知湖
州明州衢州諸軍事文龍麗水人登理宗淳祐元
年辛丑進士是書于淳祐五年經進節表後結銜
為朝散郎試太府卿兼樞密副都承旨姜文龍序

刊

作於淳熙六年云刊是書於湖類自置為文學掾
皆省志所未載影鈔字畫通體勻整其摹姜序行
書學黃庭堅筆法尤得神理

張狀元孟子傳

一函
八冊

宋張九成撰二十九卷

考宋史藝文志載九成孟子拾遺一卷語錄十四
卷而不及此書馬端臨文獻通考亦未載按本傳
九成字子韶錢塘人高宗紹興二年上將策進士
詔考官直言者置高等九成對策稱旨擢實首選

授鎮東軍簽判累官至宗正少卿權禮部侍郎兼
侍誨兼權刑部侍郎坐傾附趙鼎落職秦檜復令
司諫詹大方論其謗訕朝廷謫居南安軍在南安
十四年每執事就明倚立庭磚歲久雙趺隱然檜
死起知温州旋丐祠歸數月卒理宗賓度初特贈
太師封崇國公謚文忠此書標為張狀元孟子傳
次行所列之銜係追贈爵秩則是寶慶後校刊之
本卷帙終于告子而缺盡心全篇案宋史藝文志
載張氏孟子傳三十六卷趙希弁郡齋讀書附志

作孟子解三十六卷亦即是書此本蓋佚其七卷
耳明焦竑國史經籍志載九成孟子解僅十四卷
是前明內府所藏并佚其半此雖未為全書而
已為竑所未見且影抄字法紙墨皆極精良其所
得有二十九卷亦可謂是書之幸矣
琴川毛氏鈔本

東本

甲

俱朱文卷一卷三卷七卷十
卷十四卷十八卷二十二卷二十六

毛

晉

朱文卷一卷三
卷七卷十

卷三十四卷十八
卷三卷二十六
汲古主人朱文卷一卷四卷六七卷十卷十二
卷十四卷十八卷二十二卷二十五二十六

毛辰 斧 俱朱文卷一卷三四卷六七卷九十卷十二卷十二
之印 李 卷十四卷十七十八卷二十二卷二十五二十六卷二十六

子 晋 朱文卷六卷九
卷三卷二十五
毛 晋 俱朱文 卷十七
毛 印 晋 卷二十九

闕補卷四 卷八 卷十六 卷十七 卷十九

新集古文四聲韻

一函五冊

宋夏竦撰五卷前竦進書序並古文所出書傳晁

公武郡齋讀書志曰古文四書五卷夏竦撰博採
古文奇字分四聲編次以便檢尋考宋史夏竦字
子喬江州德安人以父承皓死難錄竦為潤州丹
陽縣主簿繼舉賢良方正授光祿寺丞仁宗寶元
間以戶部尚書拜奉寧軍節度使知永興軍繼無
陝西經畧安撫招討進宣徽南院使與陳執中論
兵事不合徙屯鄜州請解兵柄改判河中府徙蔡
州慶歷五年召為樞密使諫官御史交章論奏詔
徙知亳州改授吏部尚書省中加資政殿學士明

年拜同中書門下平章事又明年呂入為宰相諫
官御史復言不可遂改樞密使封英國公翰林學
士張方平論竦奸邪宜出之罷知河南府未幾加
兼侍中徙武寧郡節度使進鄭國公以病歸卒謚
文莊書中竦進書序稱慶歷四年二月結銜為吏
部尚書知亳州軍州事證之史傳適相符合史又
謂竦以文學起家有名一時朝廷大典策累以屬
之多識古文學奇字至夜以指畫膚是竦於大小
篆功力獨深此本影鈔楷法皆本歐陽篆文從者

如懸衡者如編頗得蔡邕書勢之妙洵可寶也
琴川毛氏藏本

宋本

希世之珍

朱文序 卷之三卷五

毛晉之印

毛氏子晉

毛辰之印

斧季

俱朱文序 卷之一卷五

汲古閣

朱文序 卷一 卷三 卷四

宋張時舉弟子職等五書 一函 一冊

宋張時舉輯首周管子弟子職次漢班昭女誡次
宋呂大鈞呂氏鄉約鄉儀宋司馬光居家雜儀凡

欽定天祿琳琅書目

卷四

九

五篇

宋陳振孫書錄解題曰弟子職等五書一卷章州教授張時舉撰時舉宋史元傳其里居不可考按此五篇中呂氏鄉約書未稱汲郡呂大忠白後附載呂大鈞手札三通有朱子識語曰此篇舊傳呂公進伯所作今乃載于其弟和叔文集又有問荅諸書如此知其為和叔所定不疑篇末著進伯名意以其族黨之長而推之使主斯約耳又鄉儀後亦有朱子識語云此篇舊題蘇氏鄉儀意其為蘇

昞李明博士兄弟所作今按呂叔和文集乃李明所序而此篇在焉然則乃呂氏書也同去篇題二字而記其實如此考宋史大忠字進伯京兆藍田人登第歷官寶文閣直學士知渭州忤章惇曾布徙知同州降待制致仕其弟大鈞字和叔中一科歷官宣義郎鄜延轉運司從事蘇昞字李明武功人元祐中太常博士此書字法歐體工整清勁影鈔能得其神韻為佳本

琴川毛氏鈔本

宋本

希世之珍

毛晉

俱朱文卷首

毛辰之印

李斧

朱文卷首卷末

筆硯精良
人生一樂

趙文敏公書卷末云
吾家業儒辛勤置書
以遺子孫其志何如
後人不讀將至於萬
類其家散不如禽犢
苟歸他室當念斯言
取非其有無寧舍旃

月明千里
故人同

子晉書印

汲古得
修綬

仲雍
故國人家

俱朱文
卷末

影宋鈔史部

集補後漢書年表

一函
四冊

宋熊方撰十卷前方進書序表狀三篇

明盧廷選南昌府志熊方字廣居豐城人靖康鄉

舉貢上庠參澧州軍事雅善書高宗內禪大書堯

舜二字表進有旨付秘閣除本路師摹此書序表

卷首結銜右迪功郎前權澧州司戶叅軍與志所

載脗合書中雖未紀進御年月當亦在高宗之時

後漢書無年表得方輯之以補范昞劉昭之闕亦

藝林盛事第宋史藝文志及馬端臨文獻通考皆

不載是書方進狀中有昨嘗投進未蒙指揮者之語豈當時經進再三而終無明詔許可耶宜其此書刊行流傳絕少是不能不有賴于影鈔矣

續資治通鑑長編

十函
五十冊

宋李燾撰一百八卷前燾進書表

為端臨文獻通考載燾撰通鑑長編其奏進者凡四次宋孝宗隆興元年燾知榮州時所進者起建隆迄開寶為十又七卷乾道四年官禮部侍郎時所進者起建隆迄治平為一百八卷淳熙元年知

馬

平

澶州時所進者輯治平之後至中興以前六十年事為一卷合前所進一百八卷為一百六十又八卷又于卷中字數之繁畧再均分之總為二百八十卷淳熙九年燾知遂寧府時又上言臣累次進所為續資治通鑑長篇今重別寫進共九百八十八卷計六百四冊其修撰事總為目一十卷又緣一百六十八年之事分散為九百八十卷其間文字繁多本末難于立見略存梗槩庶易檢尋今創為建隆至靖康舉安六十八卷總目共五卷并卷以

要

上四種通計一千六十三卷六百八十七冊校進
云云是續資治通鑑長編以九百八十卷者為全
本其舉要之六十八卷則自別為一書此本為一
百八卷蓋燾第二次所進之書也考宋史李燾字
仁甫眉州丹陵人紹興八年擢進士第累官至敷
文閣學士提舉佑神觀兼侍講年七十卒謚文簡
累贈太師溫國公生平耻讀三氏書獨博極載籍
搜羅百氏慨然以史自任本朝典故尤悉力研覈
上常謂長編一書無愧司馬遷其歿也復謂守文

价曰朕曾許燾大書續資治通鑑長編七字且用
神宗賜司馬光故事為序冠篇不謂其止此是孝
宗之心許長編亦已至矣獨惜其卷帙浩繁購藏
匪易不惟九百八十卷有世所罕存即此一百八
卷之本亦復希有影鈔以傳誠深于好古者矣
泰興李振宜鈔本

季振宜藏書

朱文表

御史之章

白文目錄

季印振宜

滄葦

俱朱文目錄

關補卷十四 六

九域志

一函
十冊

宋王存曾肇李德芻全撰十卷前王存等進書狀
晁公武郡齋讀書志曰皇朝王存被旨刪定總二
十三路京府四次有十州二百四十二軍三十七
監四縣一千一百三十五陳振孫書錄解題曰存
與曾肇李德芻等共冊定名元豐九域志書首王
存等進書狀稱本朝九域圖自天禧以後歷年茲
多事有因草乃詔臣德芻撰次于秘閣之中而臣
存定董其事綴輯大體畧坊前書舊名圖而無繪

事乃請改曰志云云按天禧為宋真宗年號狀後
雖無紀年而振孫謂名為元豐九域志元豐為神
宗年號距天禧時已六十餘載故狀中有歷年茲
多之語也考宋史德芻無傳存字正仲潤州丹陽
人登慶歷六年進士第累官至資政殿學士歷知
揚州大名府杭州提舉崇禧觀遷右政議大夫致
仕肇字子開建昌南豐人舉進士累官龍圖閣學
士提舉中太乙宮出知揚定等州終濮州團練副使
是書影鈔紙墨精潔字書整嚴非率爾操觚者

琴川毛氏鈔本

宋本

甲 朱文狀 卷一之十

毛 晉

朱文狀 卷一

毛 辰 之印

季 斧

朱文狀 卷一之十

子晉 書印

朱文卷一二 卷四五 卷六之十

汲古 得 修 綆

朱文卷二卷五 卷七八 卷十

子晉 之印

朱文卷二三 卷五六 卷八九

毛 氏 子 晉

同 上

汲古 主人

朱文 卷四

清波雜誌

一函 二冊

宋周輝撰十二卷前宋張貴謨序後宋章斯中張

訢陳晦揚寅張巖龔頤正徐似道七跋

考兩浙名賢錄周輝字昭禮淮海人紹熙間居錢

塘清波門之西耆學工文藏書萬卷隱居不仕當

世名公卿多折節下之而簡亢自高未嘗報謝撰

清波雜誌十二卷是書張貴謨序作於紹興癸丑

按癸丑為宋光宗紹熙四年書後章斯中張訢陳

晦三跋皆是年作其揚寅張岩二跋作于寧宗慶

元二年龔熙正徐似道二跋作於慶元三年考宋
史張巖字肖翁揚州人登乾道五年進士第累官
至知樞密院事督視江淮軍馬繼以銀青光祿大
夫致仕餘俱无傳浙江通志載張貴謨遂昌人乾
道二年丙戌進士官至朝議大夫長興縣志載陳
晦字自明中童子科又中博學宏詞科在至刑部
侍郎兼中書舍人有文集三十卷凌迪知萬姓統
譜載龔頤正楚人寧宗嘉泰元年以學問諫博賜同
進士出身官至秘書丞徐似道字淵子天台人少

仕

負才名為吳江尉受知范成大官至秘書少監斯
中訢寅無考似道跋最後作有余來中都聞周處
士清波志急借傳錄云云是當時此書已徵紙
貴今得影鈔真堪什襲矣

御題逸史犁然志紹熙又無傳本此稱竒唐鈞晉蹟隔
一間明影宋刊非兩岐世道人心斯已矣南遷北代早
卑之清波門外西湖水洗盡當立諛墓辭乾隆甲午冬
御題鈐

寶二所寶惟賢曰乾隆御筆

欽定天祿琳琅書目

卷四

十六

影宋鈔子部

孔子家語 一函
三冊

魏王肅注十卷前肅序

漢書藝文志載家語二十七卷顏師古曰非今所
有家語也唐書藝文志載王肅注家語則為十卷
宋陳振孫書錄解題亦云家語十卷孔子二十二
世孫猛所傳魏散騎常侍王肅為之注肅闢鄭學
猛嘗受學於肅肅從猛得此書與肅所論多合從
而證之遂行於世明何孟春補注家語前載漢博

士孔衍上言臣祖故臨淮太守安國撰次孔子家
語既畢會值巫蠱事起遂廢不行近世小儒以曲
禮不足而乃取孔子家語雜亂者及子思孟軻荀
卿之書以裨益之總名曰禮記今見其在禮記者
則便除家語之本篇是謂滅其原而存其末也不
亦難乎云云孟春序曰如孔衍言則壁藏之餘寔
孔安國為之而王肅序末始及焉不知何謂班史
所志大都劉向校錄已定之書肅之所注非安國
之所撰次及向之所校者明矣肅之注愚不獲見

而見其序今世相傳家語殆非肅本非師古所謂
今之所有者司馬貞與師古乃同代人貞作史記
索隱及家語今本或有或無亦有不同愚有以知
其非肅之全書矣謹即他書有明著家譜而今本
缺畧者以補綴之分四十四篇為八卷存之私塾
以俟博雅君子或得肅舊本而是正焉是豈獨春
之幸哉按春序作於明武宗正德二年其時欲求
宋刊舊本已不可得今以是書考之係為十卷與
唐書所載陳振孫所言俱相脗合且較之益春所

本篇中或有多十之三四并十之六七者則為肅
舊本無疑影鈔之為功詎淺鮮哉

御題天祿青藜信也非何於家語卻相違祖傳孫辨名
因正明影宋刊世已稀多漏鮮全斯乃萃鈞元提要志
焉希愀然敬對君為政一語興邦凜勅幾乾隆甲午仲
秋月御筆鈐乾隆雙璽

彭城錢孫保鈔本孫保無考

錢求赤

朱文卷三

彭城

朱文

末赤

錢印

俱白文卷四

讀書記

卷八

匪菴

朱文
卷十

新儀象法要

一函
一冊

宋蘇頌撰三卷前頌進書狀

陳振孫書錄解題載蘇頌於哲宗元祐三年新造

因五渾天成記其法要而圖其形象進之考宋史蘇頌

字子容丹陽人第進士歷官吏部侍郎元祐初遷

吏部尚書七年拜右僕射兼中書門下侍郎紹聖

四年以太子少師致仕稱其總吏部時請別製渾

儀以吏部令史韓公廉曉筭術奏用之校以古法

為臺三層上設渾儀中設渾象下設司辰貫以一

機激水轉輪不假人力時至刻臨測司晨出告星

辰躔度所次占候測驗不差晷刻晝夜晦明皆一

推見云云今以頌進狀年月并狀後結銜與史傳

較之皆合書中為圖六十有一畫極工細字亦精

整可寶也

御題梁代渾儀已制之失傳蘇頌乃重為有經有緯述

前驗且說其圖期後垂亦曰用心究鉤股即看影槩悉

欽定天祿琳琅書目

卷四

十九

毫釐大成
圓象精鑑
皇祖鴻貽萬世規
乾隆乙未孟春上澣御筆
鈐乾隆雙璽

虞山錢遵王述古堂藏書

每葉邊闌外左方

按遵王名曾常熟人

考古圖

一函六冊

宋呂大臨撰十卷後大臨自記又附續考古圖五卷考古圖釋文一卷

鼂公武郡齋讀書志曰皇朝呂大師與叔裛諸家所藏三代秦漢尊彝鼎敦之屬繪之于幅而辨論形制文字馬端臨文獻通考引陳振孫曰考古圖十卷呂大臨作于元祐七年所記自御府之外凡三十六家所藏古器物皆圖而錄之考宋史大臨字與叔學子程頤與謝良位游酢揚時在程門號四先生通六經尤邃于禮元祐中為大學博士遷秘書省正字范祖禹薦之未及用而卒大臨記稱余于士大夫之家所閱多矣每得傳摹圖寫寢盈

于佐

于

卷軸尚病款識未能深考暇日論次成書云云是
大臨所撰之書止于十卷龜公武陳振孫所見皆
此本也今書後有續考古圖五卷釋文一卷不載
纂人姓氏宋史經籍志及玉海文獻通考諸書亦
未之及書中往往引古考圖以為證稱之曰呂與
叔則非大臨自為續纂之書明矣其體例皆仿前
書所叙古器類多亦好古之士卷一首列玉尺云
周尺漢尺晉尺皆同宋尺則為宋人所撰無疑影
鈔繪圖雖取工細而用筆圖健迫殊俗手其摹古

器文字亦不失篆籀遺意

錢遵玉述古堂藏書

每頁邊闌
外左方

按曾撰讀書敏求

記載此書稱北宋鏤板予得之梁溪顧修遠洵縹
囊中異物後為李滄葦借去屢索不還耿耿掛胸
臆者數年滄葦歿此書歸徐健菴予又從健菴借
來躬自摹寫其圖象命良工繪畫不失毫髮楮墨
更精于槧本閱之沾沾自喜云云據此則是書正
為曾所鈔宜其精妙絕倫云

金壺記

一函
二冊

欽定天祿琳琅書目

卷四

五

宋僧適之撰上中下三卷

馬端臨文獻通考載金壺記僧適之集書家故事以二字為題而注所出于其下凡三百餘條適之始末無考書後浮提之國獻神通善書二人乍老乍少隐形則出影聞蔽則藏形出時間金壺四寸上有五龍之檢封以青泥壺中有墨汁如淳漆洒地及石皆成篆隸科斗之字記造化人倫之始佐老子撰道德經垂十萬言寫以玉牒編以金繩貯以玉函日夜精勤形勞神倦及金壺墨盡二人

剖心瀝血以代墨為遮鑽腦骨取髓代為膏燭及髓血皆竭探懷中玉管中有丹葯之屑以塗其身骨乃如故老子曰更除其繁紊存五千言及至經成工畢二人亦不知所往係錄晉隴西王嘉拾遺記中語以記金壺二字所從出也影鈔紙白如雪墨色不尚濃厚取其勻淨幾與刊本摹印無異琴川毛氏鈔本

宋本

甲

毛晉私印

晉子

毛扆之印

季斧

毛晉

汲古主人

俱朱文
上下冊

影宋鈔集部

離騷草木疏 一函
二冊

宋吳仁傑撰四卷後仁傑自記宋方燦跋

宋史藝文志及晁公武陳振孫馬端臨諸人所纂

書目皆不載是書惟明焦竑經籍志有吳仁傑離

騷草木蟲魚疏二卷今觀是書標題為艸木疏而

書中亦不及蟲魚且仁傑后記稱離騷以御草為

忠正菑菑為小人蓀芙蓉以下凡四十人四種猶

青史氏忠義獨行之有全傳也資萊施之類十一

種傳諸卷末猶佞幸奸臣傳也云云是仁傑之疏

艸木土以沅湘香草騷之等托故作此以逆靈均

之意耳焦竑所載祇二卷此為四卷亦不相符錢

曾讀書敏求記載此書亦為艸木疏稱其草木虫

魚疏者乃角東屠本峻所撰則知焦竑所載並未

加考也仁傑宋史無傳按朱彞尊曝書亭集有吳

氏兩漢刊誤補遺跋稱仁傑字斗南別號蠹隱居

士本崑山人其稱河南者舉郡望而然登淳熙進士歷官國子學錄今書中于結銜下亦署河南其銜為國子學錄俱與彞尊所言相符惟書未結銜稱免解進士蘄州學正充羅田縣學之講書吳仁傑校正意仁傑即書既成刊行之日乃在羅田也方燦亦稱河南人其書未無考影鈔字畫結體在歐柳之間非工書者不能得此

御題疏傳艸木異劉王特重離騷廿五章豈為春園問桃李獨存古道予沅相辨精魚魯篇篇校義寓興觀字

字芳雖是羅田版亡矣步兵從可識中郎已未春月御筆鈐乾陰隼璽

虞山席鑑鈔本鑑無考

墨妙筆精

朱文

席鑑之印

朱白間文

席氏玉照

朱文俱一之卷四

虞山席鑑玉照氏收藏

朱文卷二跋後

王摩詰文集

一函四冊

唐王維著十卷前維弟縉進書表代宗答詔

唐書王維字摩詰大原祈人九歲知屬辭與弟縉齊名開元初擢進六歷官給事中安祿山反維為

賊得以藥下利陽瘖祿山素知其才迫為給事中
維賦詩悼痛賊平下獄或以詩聞行存時縉位已
顯請削官贖兄罪肅宗亦自憐之下遷太子中元
久之遷中庶子三遷尚書右丞上元初卒至寶應
中代宗詰縉曰朕嘗于諸王座中聞維樂章今傳
幾何遣中人王承華往取縉哀集數十百篇上之
今書中縉上文集表稱中使王承華奉宣進上令
臣進亡兄故尚書右丞維文章云云與史脗合代
宗答語有抗行周雅長揖楚詞之語蓋亦深重其

才矣縉字夏卿舉草澤文詞清麗科上第累官至
黃門侍郎同中書門下平章事以招約財賄獲罪
論死上憫其老貶括州刺史久之遷太子賓客分
司東都建中二年卒年八十二此書前後無序未
審為宋代何時刊本自元明以來刻維集者甚多
今得此影鈔以留宋槧本目亦超出於諸家之上
琴川毛氏鈔本

宋本

甲

朱文表

毛晉之印

毛氏子晉

俱朱文卷一
卷二卷七

毛晉

朱文卷二
卷十

汲古主人朱文卷十

子晉朱文卷九

東吳毛氏圖書

朱文卷五

子晉書印

朱文卷五六

汲古得朱文卷六

汲古閣朱文卷八

毛晉私印

子晉俱朱文卷十

劉賓客外集一函二冊

唐劉禹錫著十卷

唐書劉禹錫字夢得自言系出中山世為儒擢進士弟登博學宏詞科歷官太子右庶子憲宗時貶連州刺史未至斥朗州司馬久之召遷宰相欲任

南省即以作詩譏忿出為播州刺史裴度居相位薦為吏部郎中集賢直學士度罷出為蘇州刺史徙汝同二州遷太子賓客分司東都會昌時加檢校禮部尚書陳振孫書錄解題曰禹錫集本四十七卷逸其十卷常內宋次道哀集其遺文得詩四百也是書雖無次道序跋而卷數篇目相同乃即振孫所指之本影鈔分行布白結構清朗與王維集同出一手

琴川毛氏鈔本

宋本

甲朱文
卷一

毛

朱文
卷之九

毛晉
私印

汲古
主人

朱文
卷五

盤洲文集

四函二
十四冊

宋洪适著八十卷後附行狀碑銘并捨遺共一冊
馬端臨文獻通考引陳振孫曰盤洲集八十卷丞
相文惠公鄱陽洪适景伯撰皓之長子方奉使時
文惠甫十三歲後與其弟遵同中高宗紹興十二
年壬戌宏博科本名造后改焉又三年乙丑弟邁

拾

繼之世號三洪其自淮東總領入為太常正卿一
年而入右府又半年而拜相然在位僅三閱月為
林安宅所攻而去嘗一帥越間居十六年而終是
本影鈔集八十卷皆係全本惟月錄載有序跋俱
闕其拾遺文四卷今僅存其二想當時刊本流傳
甚少所影者本有遺佚耳行狀後晉名稱婚奉議
即幹辨行在諸軍審計司許及之狀考宋史及之
字深甫温州永嘉人第進士知表州分宜縣以部
使者薦除諸軍審計累官至吏部尚書論事韓侂

佐

欽定天祿琳琅書目

卷四

二十七

作

曹二年不遷見仇曹流涕不覺膝屈未幾同知樞
密院事當時有由竇尚書屈膝報政之語傳以為
笑嘉定二年拜叅知政事進知樞密院事無叅政
仇曹誅降兩官泉州居位尋卒此狀為及之初仕
時所作以後所為殊愧迨東林之選矣碑銘係周
必大撰考必大字子充廬陵人第進士中博學宏
詞科名試館職由國史院編修官屢遷至右丞相
少保益國公為諫長何澹所劾又坐貯舉官以賄
敗改判陰興府寧宗二年復少傅卒贈太師謚文

文忠

琴川毛氏鈔本書中有白堤錢聽默經眼一印無
考

宋本

朱文目錄
卷一

毛扆
之印

斧
季

俱朱文目錄
卷一卷八十


白堤錢聽
默經眼

朱文目錄
卷八十

闕補卷八 一 卷二十一 五 卷三十二 十
六

欽定天祿琳琅書目

卷四



欽定天祿琳琅書目卷四

Faint vertical text columns, likely bleed-through from the reverse side of the page.

